

RESOLUCIÓN DE ADJUDICACIÓN DE CONTRATO MENOR

ÓRGANO PROPOÑENTE DA CONTRATACIÓN	
Subdirección Xeral de Servizos Sociais e Xestión Económica	

EXPEDIENTE	DXIS-CM-03-2021 Programa de formación especializada para Traballadores Sociais	
OBXECTO CONTRACTUAL	Servizo de formación especializada dirixida ao persoal dos S. Sociais Comunitarios	
CUALIFICACIÓN DO CONTRATO	Contratación menor	
RESERVA EN FAVOR DE CENTROS ESPECIAIS DE EMPREGO OU EMPRESAS DE INSERCIÓN LABORAL	NON	

FEITOS

1. A Consellería de Política Social pretende a contratación dun Servizo de planificación, coordinación e desenvolvemento de accións formativas permanentes especializadas dirixidas ao persoal dos Servizos Sociais Comunitarios que se executarán no 2022.
2. Para este fin, solicitou ao Colexio Oficial de Traballo Social de Galicia (COTSG) o orzamento para a impartición de formación nos ámbitos:
 - Técnicas e Ferramentas para o Traballo Social con Grupos
 - Dirección e xestión de programas dos Servizos Sociais Comunitarios desde a perspectiva do Traballo Social.
 - Diagnóstico social
3. Por outra banda, tanto a Lei 2/1974, do 13 de febreiro, de Colexios Profesionais, coma na Lei 11/2001, do 18 de setembro, de colexios profesionais da Comunidade Autónoma de Galicia, establecen entre os fins e funcións dos colexios profesionais de Galicia o de organizar actividades dirixidas á formación e ao perfeccionamento profesional dos seus colexiados.

CONSIDERACIÓNS LEGAIS

1. Resulta de aplicación a Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (LCSP) e as disposicións que o desenvolven; con carácter supletorio, as demais normas de dereito administrativo e, no seu defecto, as normas de dereito privado.
2. O artigo 118 da LCSP require para este tipo de expediente, cando menos a aprobación do gasto. A data da devandita aprobación do gasto figura no expediente de gasto que financia a presente contratación.



Por outra parte, o importe acumulado de contratos menores adxudicados á entidade **COLEXIO OFICIAL DE TRABALLO SOCIAL DE GALICIA** por este órgano dentro do exercicio orzamentario corrente respecta os límites establecidos no artigo 118 da LCSP.

3. De acordo cos feitos e as consideracións expostas, e logo de solicitar o pertinente **orzamento** á entidade indicada, PROPONSE a adxudicación do contrato de referencia a

Adxudicatario	COLEXIO OFICIAL DE TRABALLO SOCIAL DE GALICIA
C.I.F./N.I.F.:	Q-1569016G
Importe de adxudicación	12.524,32 euros (impostos incluídos)
Prazo de execución	Período máximo de execución de 9 meses

A prestación deberá englobar as seguintes actuacións:

- Deseño dos contidos formativos que serán validados cos expertos seleccionados nas tres áreas de interese:
 - Técnicas e Ferramentas para o Traballo Social con Grupos, módulo de 25 horas
 - Dirección e xestión de programas dos Servizos Sociais Comunitarios desde a perspectiva do Traballo Social, módulo de 50 horas
 - Diagnóstico social, módulo de 150 horas
- Identificación dos expertos para que leven a cabo a docencia dos cursos.
- Difusión dos cursos e xestión das inscricións dos participantes. Como mínimo darase difusión mediante o MATIASS.
- Asistencias ás reunións que sexan precisas para acordar o plan de traballo proposto para a execución do programa formativo.
- Tarefas de información ao responsable designado pola D.X. de Inclusión Social sobre o desenvolvemento da prestación.
- Desenvolvemento dos tres cursos de formación nas materias indicadas, na modalidade online mediante plataforma tipo Moodle ou equivalente, ou ben de xeito presencial. Tamén cabería, se os docentes expertos así o recomendan, o réxime semipresencial.
- Xestión da avaliación dos resultados do programa formativo.
- Redacción dunha memoria final.

A execución do estudo deberá realizarse baixo a supervisión e á satisfacción da Dirección Xeral de Inclusión Social.

A entidade adxudicataria deberá presentar as súas facturas a través das plataformas electrónicas habilitadas para o efecto, preferentemente mediante o Sistema Electrónico de Facturación da Xunta de Galicia (SEF) que regula a Orde do 12.2.2010 que foi publicada no DOG do 16.2.2010. O enderezo electrónico do Sistema Electrónico de Facturación da Xunta de Galicia é https://factura.conselleriadefacenda.es/eFactura_web/ e deben indicarse os seguintes datos:





SISTEMA ELECTRÓNICO DE FACTURACIÓN DA XUNTA DE GALICIA	CIF Xunta de Galicia	S1511001H	
	Código interno SEF	2220	
PLATAFORMA ESTATAL Códigos DIR3	Oficina Contable	Consellería de Política Social	A12009376
	Órgano xestor	Dirección Xeral de Inclusión Social	A12017402
	Unidade Tramitadora	Subdirección Xeral de Serv. Sociais e Xestión Económica	GE0011318

Os pagamentos realizaranse do seguinte xeito:

- Primeiro pago por importe de **7.013,62** euros polo desenvolvemento de dúas accións formativas. No momento do pagamento deberán estar plenamente executadas as accións formativas nas materias de Técnicas e Ferramentas para o Traballo Social con Grupos e Prevención da problemática das mulleres sen fogar.
- Segundo pago por contía de **5.510,70** euros no momento de finalización da prestación á satisfacción da administración e previo desenvolvemento dos tres cursos, da entrega dos resultados obtidos co programa formativo, da posta a disposición das actas das reunións mantidas e da entrega da memoria final das actividades.

Esta resolución é definitiva e ponlle fin á vía administrativa. Contra ela é posible interpoñer, con carácter previo e potestativo, un recurso de reposición no prazo dun mes contado dende o día seguinte ao que se reciba a notificación da presente resolución. Tamén é posible interpoñer directamente un recurso contencioso-administrativo no prazo de dous meses con igual día de inicio do cómputo. Os citados recursos regúlanse nos artigos 123 e 124 da Lei 39/2015, do 1 de outubro, de procedemento administrativo común e no artigo 46 da Lei 29/1998, do 13 de xullo, reguladora da xurisdición contencioso administrativa, respectivamente.

Notifíquese esta resolución ao adxudicatario para os efectos do disposto nos artigos 40 e seguintes da Lei 39/2015, do 1 de outubro, de procedemento administrativo común (BOE núm. 236, do 02.10.2015).

Santiago de Compostela, na data que figura nas sinaturas dixitais.

Propón,

A subdirectora xeral de Servizos Sociais Comunitarios e Xestión Económica

Sonia Piñeiro Saá

Conforme,

*A Conselleira
P.D. art. 2 da Orde do 03/03/2016
O director xeral de Inclusión Social*

Arturo Parrado Puente

(asinado de xeito electrónico)

